

بعد المائة الأولى

مال عليها هامسًا:
هما حددوا ليلة زفاف حفيدة ابنك الصغير واللا لسه؟
أشاحت بوجهها متبرّمة:
يوووہ يا عبده... عشرين سنة وانت بتسأل السؤال ده
رمقها بطرف عينه مُستنكرًا:
عشرين سنة !!!... طب هو أنتي يعني جاوبتي؟
صكت كفيّها والتفتت إليه غاضبة:
أه... جاوبتك يا عبده
: جاوبتيني !!!... طب قلتي إيه؟
: قلت لك اتهببت وخلفت كمان
فرك كفيّ متعجبًا:
غريبة !... هو الواحد بقى بينسى كده إيه؟
صمت لحظة، ينهض مستندًا على عُكازيه ومتمتمًا:
طب إوعي تنسي إنتي كمان
انحنت بصعوبة، وضعت نظارتها ذات العدسات السمكية فوق
عينها: أنسى !..... أنسى إيه؟
همهم مبتعدًا:
تنسي تفكريني قبلها بإسبوع.... هههههه...
عشان نحفل إحنا كمان زي كل مرة.

* * *